

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
GRAD CAZIN

SLUŽBENE NOVINE
GRADA CAZIN

1072. Na osnovu člana 38. stav 1. alineja 6. Statuta Grada Cazin (“Službene novine grada Cazin”, broj: 4/21) i člana 36. stav 12. Odluke o izvršenju Budžeta Grada Cazin (“Službene novine Grada Cazin”, broj: 12/22) a u skladu sa Zakonom o zdravstvenoj zaštiti FBiH, („Službene novine FBiH“, broj: 46/2010),
Gradonačelnik: d o n o s i :

P R A V I L N I K

o sufinansiranju sanacije azbestnih krovova na objektima individualnog i objektima sa kolektivnim stanovanjem na području Grada Cazin

Član 1. (predmet pravilnika)

Predmet ovog Pravilnika je sufinansiranje troškova sanacije azbestnih krovova kroz zamjenu krovnih pokrova koji sadrže azbest.

Pravilnikom o sufinansiranju sanacije azbestnih krovova na objektima individualnog stanovanja i objektima sa kolektivnim stanovanjem (u daljem tekstu zgrada) sa lokacija na području Grada Cazin u daljem tekstu (Pravilnik) utvrđuju se: pravo na korištenje, prihvatljivi troškovi, iznos raspoloživih sredstava, uslovi kojima podnosioci prijave moraju udovoljiti, obavezna dokumentacija, objava javnog poziva, način, mjesto i rok podnošenja prijave, pregled i obrada prijave, odabir korisnika, kontrolni pregled i isplata sredstava i ostale informacije.

Član 2. (pravo na korištenje sredstava)

Pravo na korištenje novčanih sredstava (u daljem tekstu: sufinansiranje) Grada Cazin može ostvariti:

- 1) fizičko lice koje je vlasnik objekta individualnog stanovanja na području Grada Cazin,
- 2) suvlasnici zgrade odnosno upravitelj zgrade na zahtjev većine suvlasnika zgrade na području Grada Cazin,

U skladu sa odredbama Zakona o prostornom uređenju i građenju („Službeni glasnik USK“, broj: 12/13, 3/16, 15/20, 10/22,) objekat individualnog stanovanja ili zgrada je svaka građevina koja je izgrađena na osnovu građevinske dozvole ili drugog odgovarajućeg akta i svaka druga građevina koja je prema navedenom Zakonu ili posebnom zakonu s njom izjednačena.

Predmet ovog Pravilnika nisu objekti individualnog stanovanja ili zgrade čija je gradnja u toku ili za koje je pokrenut postupak legalizacije u skladu sa odredbama Zakona o prostornom uređenju i građenju.

Član 3. (prihvatljivi troškovi)

Prihvatljivi troškovi u postupku zamjene krovnih pokrova koji sadrže azbest smatrati će se oni koji su nastali isključivo nakon dana provedbe terenskog pregleda tokom kojeg će se utvrditi tačnost prijavljenih/počasnih podataka, odnosno stvarno zatečeno stanje zgrade, dok se ostala oprema, materijali, radovi i usluge koji se

mogu pojaviti u postupku uklanjanja predmetnih krovova smatraju neopravdanim troškom koji snosi Korisnik sredstava.

Da bi se troškovi postupka zamjene pokrova smatrali opravdanim potrebno je osigurati i dokazati da je postupak uklanjanja i zbrinjavanja azbestnog materijala izvršen na odgovarajući način, u skladu s Pravilnikom o građevinskom otpadu („Službene novine F BiH“, broj: 93/19), a što podrazumijeva da se zbrinjavanje azbestnog materijala mora obaviti kod ovlaštenog operatora/sakupljača otpada, a što se dokazuje fiskalnim računom istoga.

Član 4.

(iznos raspoloživih sredstava)

Sredstva za zamjenu pokrova koji sadrži azbest planirana su u Budžetu Grada Cazin u iznosu od 40.000,00 KM.

Opravdani troškovi, zamjene krovnog pokrova koji sadrži azbest, bit će sufinansiran nepovratnih novčanim sredstvima u visini od:

- a) 5,00 KM/m² uklonjenog azbestnog krovnog pokrova, do maksimalno 3.000,00 KM za objekte individualnog stanovanja i do maksimalno 10.000,00 KM za zgrade;

Količina uklonjenog azbestnog krovnog pokrova i azbestnih ploča dokazuje se potvrdom/računom koji izdaje ovlašteni operater/sakupljač otpada kao i na osnovu zapisnika komisije.

Broj prijava koje će se sufinansirati ovisi o raspoloživim budžetskim sredstvima Grada Cazin.

Član 5.

(uslovi kojima podnositelji prijava moraju udovoljiti)

Podnosilac prijave može biti fizičko lice koje je vlasnik objekta individualnog stanovanja ili suvlasnici zgrade, odnosno upravitelj zgrade na zahtjev većine suvlasnika zgrade.

Ukoliko podnosilac prijave ne zadovoljava navedeni uslov, njegova prijava automatski će se isključiti iz daljeg postupka.

Podnosilac prijave obvezuje se da će:

- savjesno i cjelovito, sa tačnim podacima, popuniti obaveznu dokumentaciju za podnošenje zahtjeva za sufinansiranje projekta zamjene krovni pokrova koji sadrže azbest;
- izvesti radove u postupku uklanjanja krovnog pokrova koji sadrži azbest tek nakon zaprimanja Zaključka o sufinansiranju zamjene krovni pokrova koji sadrže azbest;
- osigurati vlastita sredstva potrebna za provođenje aktivnosti.

Član 6.

(obavezna dokumentacija)

Sadržaj dokumentacije za prijavu na Javni poziv za zamjenu krovni pokrova koji sadrže azbest.

Podnosilac prijave na Javni poziv dužan je dostaviti slijedeću dokumentaciju:

1. Potpisan i cjelovito popunjen PRILOG 1 – Prijavni obrazac kojeg potpisuje vlasnik ili suvlasnici, odnosno upravitelj zgrade na zahtjev većine suvlasnika,
2. od strane podnosioca prijave potpisan PRILOG 2 – Izjava podnosioca prijave o prihvaćanju uslova Javnog poziva i istinitosti upisanih/prijavljenih podataka,
3. potpisan i cjelovit ispunjen PRILOG 3 – Izjava podnosioca prijave o osiguranju vlastitih sredstava sa iznosom koji je obezbijeđen za sufinansiranje,
4. dokaz o legalno izgrađenoj zgradi na kojoj se planiraju izvesti radovi zamjene krovnog pokrova koji sadrži azbest (građevinska dozvola ili upotrebna dozvola ili uvjerenje da je objekat izgrađen prije 23.maja 1974.godine) – u fotokopiji,
5. fotodokumentacija postojećeg stanja.

Član 7.

(objava javnog poziva)

Javni poziv objavit će se na službenoj web stranici Grada Cazin i na oglasnoj ploči Grada Cazin, a obavijest o objavi Javnog poziva putem RTV Cazin.

Član 8.

(način, mjesto i rok za podnošenje prijave)

Prijava za Javni poziv ponosi se u pisanom obliku i predaje se poštom ili neposredno na pisarnicu Gradske uprave Grada Cazin (Centar za pružanje usluga građanima), u zatvorenoj koverti uz naznaku na što se prijava odnosi, na slijedeću adresu:

- Grad Cazin, Trg prvog Predsjednika Predsjedništva R BiH Alije Izetbegovića bb, 77220 Cazin, „ Javni poziv za sufinansiranje provedbe projekta zamjene krovnih pokrova koji sadrže azbest – ne otvaraj“,

Uz Prijavni obrazac potrebno je priložiti dokumentaciju iz člana 6. ovog Pravilnika, s ispunjenim obrascima i priložima za Javni poziv.

Rok za dostavu prijave na Javni poziv definirati će se Javnim pozivom, o čemu će biti obaviještena javnost putem internet stranice Grada Cazin, oglasne ploče Grada Cazin i putem RTV Cazin.

Ranije zaprimljene prijave neće se uzimati u obzir i biti će vraćene Podnosiocu prijave.

Član 9.

(pregled i obrada prijava)

Pregled i obrada pristiglih prijava provodi komisija koju će imenovati Gradonačelnik na prijedlog Službe za opću upravu i društvene djelatnosti, a njen rad se provodi postupkom kako slijedi:

1. Administrativna provjera
 2. Procjena komisije
-
1. Administrativna provjera koja obuhvata slijedeće:
 - je li prijava predana u zatvorenoj koverti,
 - je li prijava dostavljena na pravi Javni poziv,
 - je li prijava pravovremeno podnesena,

- je li prijava dostavljena na propisanom obrascu,
- jesu li priloženi svi potrebni dokumenti traženi Javnim pozivom,

2. Procjena komisije

Prijave za dodjelu nepovratnih sredstava za sufinansiranje troškova zamjene azbestnih pokrova na području Grada Cazin, pregledati će naprijed navedena komisija.

Pri pregledu pristiglih prijava obavezno se provjerava:

- zadovoljavanje uslova Podnosioca prijave,
- cjelovitost prijave prema potrebnoj dokumentaciji (u skladu s Javnim pozivom),
- tačnost podataka upisanih u prijavni obrazac;

Sve podnesene prijave na Javni poziv predmet su provjere, te je moguće zatražiti dostavu izvornika ili ovjerenu fotokopiju traženih dokumenata.

Član 10.

(odabir korisnika)

Uz zadovoljavanje uslova Javnog poziva, obrada pristiglih prijava i konačni odabir korisnika sredstava izvršiti će se prema slijedećim kriterijima:

a) vlastito učešće u finansiranju zamjene azbestnog pokrova, u smislu da će se lista korisnika formirati prema procentu vlastitog učešća u ukupnom iznosu finansiranja zamjene azbestnog pokrova,

b) odabir korisnika sredstava će se izvršiti do iznosa predviđenih sredstava u Budžetu;

Po izvršenoj obradi prijava od strane Komisije, Komisija priprema listu Podnosilaca koji su zadovoljili uslove Javnog poziva i dostavlja je Službi za opću upravu i društvene djelatnosti.

Gradonačelnik na prijedlog Službe za opću upravu i društvene djelatnosti donosi Zaključak o sufinansiranju troškova zamjene azbestnih pokrova sa lokacija na području Grada Cazin.

Zaključkom se definira iznos koji sufinansira Grad Cazin, način plaćanja, kao i ostala prava i obaveze (podnošenje zahtjeva za isplatu) Podnosioca prijave.

Grad sufinansira opravdane troškove ulaganja u prijavljeni zahvat do iznosa sufinansiranja određenog u članu 4. ovog Pravilnika, a ostatak troškova po pojedinoj prijavi snosi Podnosilac.

Član 11.

(kontrolni pregled i isplata sredstava)

Grad je dužan osigurati kontrolni pregled radova novo-ugrađenog krovnog pokrova i zbrinjavanja (odvoza) azbestnih ploča prije isplate bespovratnih sredstava odabranom korisniku.

Ukoliko se utvrdi da izvedeno stanje ne odgovara zahtjevu odabranog Korisnika za isplatu sredstava, Grad zadržava pravo neisplaćivanja istih, o čemu će pisanim putem obavijestiti izabranog Korisnika.

Za isplatu sredstava Korisnik subvencije je dužan najkasnije do 15.11.2023.godine Službi za opću upravu dostaviti:

- ispunjen PRILOG 4 – Zahtjev za isplatu sredstava uz broj žiro računa ili tekućeg računa Korisnika,
- Potvrdu/račun Ovlaštenog sakupljača koja će sadržavati podatke o količini uklonjenog azbestnog pokrova, te odgovarajućem postupku uklanjanja i zbrinjavanja istog (kopiju).
- račun za nabavku novog odgovarajućeg krovnog pokrova (kopija)

Grad će izvršiti isplatu odobrenih sredstava u roku od 30 dana od dana zaprimanja zahtjeva za isplatu sredstava od strane odabranih Korisnika.

Član 12.

(ostale informacije)

Dostavljanjem ove dokumentacije na Javni poziv, korisnik sredstava daje odobrenje Gradu da osnovne podatke o podnosiocu zahtjeva i o ponuđenom projektu objavi na službenoj internet stranici Grada te u drugim izvještajima.

Član 13.

Ovaj pravilnik stupa na snagu danom objavljivanja u „Službenim novinama grada Cazin“.

Broj: 01/GN-33-647/23
Cazin, 02.08.2023. godine

GRADONAČELNIK
mr. Ogršević Nermin

.....

09.08.2023	Službene novine Grada Cazin br 10/23	Stranica 7
------------	--------------------------------------	--------------

SADRŽAJ

GRADSKO VIJEĆE

R.B.	NAZIV AKTA	Str.
1072.	P R A V I L N I K o sufinansiranju sanacije azbestnih krovova na objektima individualnog i objektima sa kolektivnim stanovanjem na području Grada Cazin	2

IZDAVAČ: SLUŽBA ZA STRUČNE POSLOVE GRADSKOG VIJEĆA GRADA CAZIN

